

By the undersigned to  
be  
transmitted

W. H. Lee 1916

350.8

4-41

4-41

01 MAR 2010

ԸՆՏԱՆԻՔՆԵՐԻ ՀԱՄԱՐ



Թիֆլիս

Տպարան (Ե. Ս. Մ. Ու. Լ.) Պոլսի Երևան

1916 p.

20 MAY 2013

39 260

300

1400-46

350.8

4-41

## ԿԵՆՍԱԹՈՂԱԿՆԵՐ ԶԻՆԻՈՐՆԵՐԻ ՀԱՄԱՐ

Ո՞ր զինուորները եւ ի՞նչպիսի դէպքերումն են  
կենսաթոշակ ստանում

Կենսաթոշակ ստանում են այն զինուորները,  
տեք վերադառնում են զօրքերից աշխատանքի  
նդունակութիւնը կամ բոլորովին կամ մասամբ  
որցրած, այն դէպքերում, երբ աշխատանքի  
նդունակութիւնը կորցրել են զինուորական ծա-  
այութեան միջոցին ստացած վէրքերից, վնաս-  
ածքներից կամ հիւանդութիւններից—միւսին  
պատերազմի թէ խաղաղ ժամանակ:

Այս իրաւունքը ստանում են բոլոր զին-  
ուորները, առանց նայելու թէ նրանք երբ են  
տացել վէրքերը կամ հիւանդութիւնները—վի-  
ժկով զինուոր եղած ժամանակ թէ իբրեւ պա-  
քստից կանչւած զինուոր, կամ իբրեւ օգուշե-  
բայի ռաւանիկ, կամաւոր և այլն:

Կենսաթոշակ ստանալու իրաւունք ունին  
նախորդ բոլոր զինուորները առանց նայելու—ու-  
ին նրանք իրենց ապրուստի միջոցները թէ ոչ:

Կենսաթոշակների չափը

Զինուորներին հասնում են զանազան չափի  
կենսաթոշակներ, նայելով թէ նրանք ո՞ր ստա-  
տուսին են հասնում:

1003  
17963

ճան են կորցրել աշխատանքի ընդունակութիւնը:

Նրանք, որոնք աշխատանքի ընդունակութիւնը կորցրել են բոլորովին և ոչ միայն իրենք այլ ևս չեն կարող ոչինչ վաստակել, այլ դեռ մի առանձին մարդ էլ պիտի նայի նրանց, — մտցուում են առաջին կարգը և նրանց հասնում է 216 ռուբ. տարեկան:

Այս կարգով կենսաթոշակ ստանում են նրանք, որոնք զրկւել են երկու ձեռքից կամ ձեռքերի երկու թաթից, կամ երկու ոտքից, կամ մի ձեռքից և մի ոտքից միաժամանակ, կամ բնաւ չեն կարող բանեցնել ձեռքերն ու ոտքերը. որոնք կորցրել են երկու աչքերի տեսողութիւնը կամ որոնց երկու աչքերի տեսողութիւնը խիստ թուլացել է. որոնք խելագարւել են կամ գինւորական ծառայութեան ընթացքում ստացել են ընկնաւորութիւն (падучая болѣзнь), ցնցող կաթւած (дражательный параличъ), կամ մարմնի կէսի կամ երկու ձեռքի կամ երկու ոտքի կաթւած, խորունկ վէրք (свищи) որովայնի աղիքի մէջ կամ ուրիշ ծանր անբուժելի հիւանդութիւն:

2-րդ կարգի կենսաթոշակ 168 ռուբ. տարեկան ստանում են այն գինւորները, որոնք բոլորովին կորցրել են աշխատելու ընդունակութիւնը, բայց առանձին մարդու հոգատարութեան պէտք չունին: Այս կարգին համապատասխան

նաւա են նրանք, որոնք բոլորովին զրկւել են մի ձեռքից արմունկից վերև կամ բնաւ չեն կարող բանեցնել այդ ձեռքը. որոնք զրկւել են մի ոտքից՝ ծնկից վերև կամ չեն կարող բանեցնել ոտքը. որոնք զրկւել են երկու ձեռքերի առնւագն 6 մատից, հաշւելով դրանց թւում երկու բուլթ մատերը. որոնք ստացել են բանդաժով չպահւող մեծ աղեթափութիւն (грыжа). որոնց երկու աչքերի տեսողութիւնը խիստ թուլացել է և որոնք ստացել են ուրիշ որևէ ծանր հիւանդութիւն այն ծանր փասւածքների թւից, որոնք յիշւած են փասւողին աշխատելու ընդունակութիւնից զրկող ծանր փասւածքների առանձին ցուցակի մէջ:

3-րդ կարգով կենսաթոշակ են ստանում տարեկան 108 ռուբ. նրանք, որոնք աշխատելու ընդունակութիւնը կորցրել են ոչ բոլորովին, սակայն 70 տոկոսից ոչ պակաս: Այս կարգին են պատկանում մի ձեռքի կորուստը արմունկից ներքև, մի ոտքի կորուստը ծնկից ներքև կամ նրանց դժւարութեամբ բանեցնելը. երկու բուլթ մատերի կորուստը (կամ բոլորովին չբանեցնելը), աջ ձեռքի երեք մատի կամ ձախ ձեռքի չորս մատերի, դրանց թւում և բուլթ մատի կորուստը կամ չբանեցնելը. երկու ականջների կատարեալ խլութիւնը, անուղղելի աղեթափութիւնները, նմանապէս և բանդաժներով չպահւող արգանդի պատերի և աճուկ-

ների թափումը. կաշւի անբուժելի հիւանդութիւններն ու խոցերը, որոնք յաճախ առաջացնում են շարժումը խանգարող սպիւններ, կրնկի և ոտնատակի խեղումը, որ անկարելի է դարձնում ոտի վրայ կանգնելը, և ուրիշ շատ ծանր հիւանդութիւններ:

4-րդ կարգով կենսաթոշակ են ստանում տարեկան 66 ուրբ. այն զինւորները, որոնք կորցրել են աշխատելու ընդունակութիւնը 40 տոկոսից աւելի, բայց 70 տոկոսից պակաս: Այս կարգին վերաբերում են՝ մի ձեռքի բութ մատի կորուստը, ձեռքի կամ ոտքի կարճանալը, ոչլրիւ կաթածները, ոսկորների հետ միացած և շարժումները դժարացնող ընդարձակ հիւանդագին սպիւնները, ոտնատակի ոչ-ազատ շարժումը, հաստ աղիքի խոշոր թափումը, տեսողութեան մասնակի թուլութիւնը և ուրիշ վնասածքներ:

5-րդ կարգով կենսաթոշակ է տրւում 30 ուրբ. տարեկան: Այս կարգին վերաբերում են այն վնասածքները, որոնց պատճառով աշխատելու ընդունակութիւնը իջած է աւելի քան 10 տոկոս և 40 տոկոսից պակաս, օրինակ՝ մի աչքի տեսողութեան կորուստը կամ երկու աչքերի տեսողութեան կիսով չափ թուլանալը, դէմքի այլանդակումը սպիւններից, վիզը կոտրելը, ցուցամատի կորուստը, մի ձեռքի երկու մատերի կորուստը, երբ միեւնոյն ժամանակ բոլոր մատերը

տերը մնում են, թքագեղձերի անբուժելի վէրքը, դէմքի այլանդակումը սպիւններից կամ ուրիշ պատճառներից և մի քանի ուրիշ վնասածքներ, որոնց համար առանձին ցուցակ կայ:

Եթէ այդպիսի վնասածքներ ստացել է ուսուցիչ-օֆիցերի կամ զբան համապատասխան կոչում ունեցող զինւորը, որը այդ կոչման մէջ ծառայել է ոչ պակաս քան մի տարի, այդ դէպքում նրան կենսաթոշակ է հասնում 10 տոկոս աւելի, և առաջին կարգով նշանակւում է 237 ուրբի 60 կ. տարեկան, 2-րդ կարգով 184 ո. 80 կ. տարեկան, 3-րդ կարգով 118 ո. 80 կ., 4-րդ կարգով 72 ո. 60 կ. և 5-րդ կարգով 33 ո.

Իսկ սահմանւած ժամանակամիջոցից դուրս ոչ պակաս քան 5 տարի ծառայած զինւորների, նմանապէս և զատրեադ-զինւորական չինովնիկների և զատրեադ-պրապորշչիկների համար այդ կենսաթոշակներն աւելանում են 20 տոկոս, և նրանք ստանում են առաջին կարգով 259 ո. 20 կ., 2-րդ կարգով—201 ո. 60 կուպ., 3-րդով 129 ո. 60 կ., 4-րդով—79 ո. 20 կ. և 5-րդով—36 ո. տարեկան, չհաշւելով այն նպաստները, որոնք հասնում են նրանց սահմանւած ժամանակից աւելի ծառայած լինելուն համար:

Բժշկական քննութիւն

Որոշելու համար, թէ զօրքերից արձակող զինւորը որ աստիճան կորցրել է աշխատելու ընդունակութիւնը, նրանց քննում են կոմիսիաների մէջ: Այդ քննութիւնը լինում է կամ բանակի թիկունքում, ուր քննում է թիկունքի էլակուցիոն կոմիսիան, կամ թէ կայսրութեան ներսը գտնւած կոմիսիաներում:

Իսկ եթէ զինւորները բժշկական քննութեան չեն եղել ենթարկւած էլակուցիոն կոմիսիաներում, նրանց քննում է զինւորական գոսպիտալներում կամ զինւորական լազարէթներում մի առանձին կոմիսիա, որը բաղկացած է ոչ պակաս քան երեք բժշկից, որոնց թւում պէտք է լինի աւագ բժիշկը. կոմիսիայի կազմի մէջ մտնում է նաև զինւորական վարչութիւնից նշանակւած զօրքի օֆիցեր:

Կոմիսիայի մէջ բժշկական քննութեան պէտք է ենթարկեն իւրաքանչիւրին՝ ստացած վէրքերի, փաստածքների և հիւանդութիւնների պատճառով նրան արձակելիս, առանց նրա կողմից որևէ խնդիրը տրւելու:

Իսկ եթէ տուժած զինւորականին չքնեն կոմիսիայի մէջ, այդ դէպքում նրան պէտք է բժշկական քննութեան ենթարկեն արդէն զօրքերից արձակելուց յետոյ Գաւառական կամ Քաղաքային Զինւորագրական Ատեաններում այն

քաղաքում, որի մօտ ապրելիս կըլինի արձակւած զօրականը: Այստեղ բժշկական քննութիւնը կատարւում է երկու և միայն ծայրայեղ դէպքում մէկ բժշկի մասնակցութեամբ:

Այն դէպքերում, երբ զօրքից առանց բժշկական քննութեան վերադարձած զինւորը իբրեւակութեան տեղում կըգտնւի այնպիսի ծանր դրութեան մէջ, որ մինչև անգամ չի կարող ինքն իրեն ներկայանալ կոմիսիային բժշկական քննութեան ենթարկելու համար, այդպիսի դէպքերում նրա այդպիսի դրութեան մասին պէտք է վկայութիւն տայ բժիշկը, օրինակ գեմատուային, և այն ժամանակ այդպիսի զինւորին քննութեան կենթարկի նրա տանը այդ բանի համար Զինւորագրական Ատեանից նշանակւած բժիշկը:

Բոլոր յիշւած դէպքերում բժշկական քննութեան ենթարկելու հոգսը տուժածի վրայ չի ընկնում, այլ գործը պէտք է գնայ իր կարգով, առանց որ նա այդ մասին խնդրի: Սակայն, կարող է պատահել, որ ծառայութիւնը թողնելիս նա որևէ պատճառով բժշկական քննութեան չի ենթարկել ընաւ, թէև նա ստացած փաստածքի պատճառով կորցրել է աշխատանքի ընդունակութիւնը. կարող է և այնպէս պատահել, որ փաստածք թէև եղել է, բայց աշխատանքի ընդունակութեան վրայ չի ազդել սկզբում, իսկ յետոյ ժամանակի ընթացքում այդ փաստածքի

հետևանքով կորել է աշխատելու ընդունակութիւնը: Այսպիսի դէպքերում տուժողն արդէն ինքը պէտք է հոգայ, որ իրեն բժշկական քննութեան ենթարկեն: Այս բանի համար ժամանակ է սահմանւած 5 տարի՝ ծառայութիւնը թողնելու ժամանակից սկսած:

Բժշկական քննութեան ենթարկելու և կենսաթոշակ նշանակելու համար կարելի է դիմել մերձաւոր իշխանութեանը—Ձինւորական կառավարչին (Воинский Начальникъ), Ձինւորագրական Ատեանին (Воинское Присутствие) կամ գաւառական ոստիկանութեանը: Խնդրել կարելի է գրաւոր և կարելի է յայտնել բերանացի, և այդ ժամանակ խնդրողներին պէտք է յայտնեն, թէ որտեղ և երբ կըլինի նրանց բժշկական քննութիւնը:

Բժշկական քննութեան ենթարկւելու խնդիրքով կարելի է և ուղղակի ներկայանալ զինւորական-բժշկական հաստատութեանը արդէն ծառայութիւնից դուրս գալուց յետոյ ևս, բայց միայն այս դէպքում պէտք է վկայական ներկայացնել, որ փաստածքը ստացւած է ծառայութեան ժամանակ:

*Կենսաթոշակ նշանակելու ևս ստանալու կարգը*

Որպէս զի ոչ մի թերացում չըլինի, զինւորի ստացած ամեն մի փաստածք պէտք է գրւի նրա

մօտ եղած զինւորական տետրի մէջ, իսկ եթէ այդպիսի տետր չկայ զինւորի մօտ, այն ժամանակ բուժարանից նրա ձեռքը պիտի տրւի մի առանձին տոմս, որի վրայ գրւում են նրա բուժընթացը, փաստածքները և հիւանդութիւնները և միևնոյն ժամանակ գրւում է, թէ երբ են նրանք ստացւած և ինչ պատճառներով:

Բժշկական քննութիւնից յետոյ կոմիսիան վճռում է—տուժողը առմիշտ է կորցրել աշխատելու ընդունակութիւնը թէ առժամանակ:

Աշխատանքի ընդունակութիւնը առմիշտ կորցրածին կենսաթոշակ նշանակւում է ցմահ, իսկ ժամանակաւոր կենսաթոշակ նշանակւում է այն դէպքում, երբ կըվճռեն, որ ժամանակի ընթացքում աշխատելու ընդունակութիւնը կըվերադառնայ կամ կըփոխւի. այս դէպքում բժշկական վերաքննութեան համար կոմիսիան ժամանակ է նշանակւում մի կամ երկու տարի յետոյ, բայց ոչ աւելի 3 տարուց: Ձինւորին բժշկական քննութեան ենթարկող կոմիսիան արձանագրութիւն է կազմում նրան բժշկական քննութեան ենթարկելու մասին և նշանակւում է այն կարգը, որին վերաբերում է նրա աշխատանքի ընդունակութեան կորուստը: Բժշկական քննութիւնից յետոյ կազմւած արձանագրութիւնը մի շաբաթից ոչ ուշ ուղարկւում է Ձինւորագրական Ատեանը այնտեղ, ուր

ապրում է զինւորը: Կենսաթոշակ նշանակելու որոշումը անում է Զինւորագրական Ատեանը և այդ որոշումը գրաւոր կերպով հաղորդում է տուժած զինւորին:

Կենսաթոշակը տրւում է Արքունի Գանձարանից (Казначейство), և կենսաթոշակ նշանակելու մասին Զինւորագրական Ատեանից հաղորդագրութիւնը ստանալուց յետոյ ամեն մի թոշակաւոր կարող է այդ ծանուցագրով ներկայանալ Արքունի Գանձարան կենսաթոշակը ստանալու: Բայց կարելի է և անձամբ չդնալ Արքունի Գանձարան, այլ խնդրել, որ փողն ուղարկւի Գիւղական Վարչութեան միջոցով: Ընդամին առաջին ստացման ժամանակ տրւում է հաշւեթերթ, որով այնուհետեւ թոշակաւորը ստանում է իր թոշակը: Թոշակները տրւում են մի անգամից չորս ամսւայ համար առաջուց՝ յունւարին, մայիսին և սեպտեմբերին:

Կենսաթոշակը կարող է ստանալ թոշակաւորը ինքը, բայց կարող է ստացումը յանձնարարել և ուրիշ անձի: Սակայն, եթէ ճանաչւած լինի, որ թոշակաւորը խելագար է, այդ դէպքում արդէն թոշակը տրւում է ոչ թէ նրա ձեռքը, այլ նրա կնոջը կամ երեխաներին, իսկ եթէ նա գտնւում է ուրիշ ազգականների կամ կողմնակի անձերի խնամքի տակ, այդ դէպքում կենսաթոշակը տրւում է նրանց ձեռքը այն բանին

յետոյ, երբ նրանք վկայութիւն են ներկայացնում, որ նա իսկապէս իրենց մօտ է ապրում: Իսկ այն դէպքերում, երբ այդպիսի հոգեկան հիւանդը տեղաւորւում է հիւանդանոցում արքունական հաշիւին, նրան արդէն կենսաթոշակ չի հասնում, այլ նրա հիւանդանոցում գտնւելու ժամանակի ընթացքում նրա կնոջը կամ երեխաներին նշանակւում է նոյնպիսի կենսաթոշակ, ինչպիսին հասնում է այլքներին կամ բոլորովին ուրբերին:

#### Բժշկական վերաքննութեան մասին

Եթէ զինւորին բժշկական քննութեան ենթարկած ժամանակ կոմիսիան վճռի, որ նա աշխատելու ընդունակութիւնը չի կորցրել և մերժւի նրան կենսաթոշակ նշանակել, նա կարող է խնդրել, որ իրեն վերստին քննութեան ենթարկեն, սակայն մերժման օրից ոչ վաղ քան մի տարի յետոյ: Խնդրքով պէտք է դիմել Զինւորագրական Ատեանին (Присутствіе по Военной Повинности):

Իսկ այն դէպքերում, երբ տուժածին ցման կենսաթոշակ է նշանակւած, այն ինչ նրա առողջութիւնն աւելի վատացած կը լինի վերքերից, վնասւածքներից կամ հիւանդութիւններից, այդ դէպքում զինւորը կարող է խնդրել Զինւորագրական Ատեանին, որ բժշկական նոր քննութեան

ենթարկեն իրեն, սակայն այս մասին խնդրել կարելի է երկու տարուց ոչ վաղ:

Երբ զինւորին ժամանակաւոր թոշակ է նշանակւած և հասել է ժամանակը, երբ նա պէտք է բժշկական վերաքննութեան ենթարկուի, այդ դէպքում նա անպատճառ պէտք է ներկայանայ, եթէ չներկայանայ, թոշակը կը դադարեցւի բոլորովին: Սակայն չներկայանալու օրւանից սկսած երկու տարւայ ընթացքում զինւորը կարող է խնդրամատոյց լինել, որ իրեն բժշկական վերաքննութեան ենթարկեն, և թոշակը կարող է նորից տրւել:

#### Ուտեստի եւ ծանապարհածախք

Այն դէպքում, երբ բժշկական քննութեան կամ վերաքննութեան ենթարկուելու համար զինւորը պէտք է տնից ուրիշ տեղ գնայ Զինւորագրական Ատեանի պահանջմամբ, նրան տրւում է ուտեստի փող օրական 25 կ. և ճանապարհածախք գնալու և վերադառնալու համար, եթէ անցնելիք տարածութիւնը 25 վերստից աւելի է, իսկ 1 և 2 կարգի թոշակաւորներին համար—եթէ այդ տարածութիւնը 15 վերստից աւելի է:

Ուտտի և ճանապարհածախք տրւում է նաև նրանց, որոնք գնում են վերաքննութեան ենթարկուելու իրենց տւած խնդիրքով, եթէ վերաքննութիւ-

նից յետոյ կընդունուի, որ նրանք իրաւունք ունին կենսաթոշակ ստանալու:

#### Ո՞ր ժամանակից է տրւում կենսաթոշակը

Տուժած զինւորին համար նշանակւած կենսաթոշակը նա ստանում է այն օրից, երբ դադարեցւում է նրան պետական գանձարանից ապրուստի փող տալը, իսկ եթէ նա կանչւած է եղել պահեստից կամ օպուշենիայից և նրա ընտանիքը նպաստ է եղել ստանում պետական գանձարանից, այդ դէպքում կենսաթոշակը տրւում է այն օրից, մինչև երբ տրւած է եղել այդ նպաստը ընտանիքին: Իսկ այն զինւորներին, որոնց կենսաթոշակ չի նշանակւած զօրքերից արձակելիս և որոնց կենսաթոշակ է նշանակւած արդէն յետոյ իրենց խնդիրքով, կենսաթոշակը տրւում է այն օրից, երբ նրանք խնդիրք են եղել տւած, որ կենսաթոշակ տրւի:

#### Կենսաթոշակի ժամանակաւոր եւ առմիշտ դադարեցումը

Պետական բարեգործական հաստատութիւն մտած թոշակաւորը կենսաթոշակից զրկւում է այդ հաստատութեան մէջ գտնւած ժամանակի ընթացքում: Կենսաթոշակ ստանալու իրաւունքից նա զրկւում է նաև դատի կամ նախնական քննութեան ենթարկուելու առթիւ բանտարկւած ժամանակ: Այդ ժամանակի ընթացքում նրա կի-

նը կամ երեխաները ստանում են իրենց անկախ կենսաթոշակը, որպիսին հասնում է այրուհ կամ բոլորովին որբերին:

Պահած կենսաթոշակը արւում է այդպիսի ձեռքակալածին ամբողջ ժամանակի համար, գուրս գալով կնոջ կամ երեխաների ստացած փողերը, եթէ նրա դատական գործը դադարեցւի կամ դատարանը նրան արդարացնի:

Դատաւճռից յետոյ կենսաթոշակը դադարեցւում է առմիշտ և այդ կենսաթոշակը ստանալու իրաւունք չունին ոչ կինը, ոչ զաւակները, եթէ թոշակաւորը պատժի է գատապարտւած բոլոր իրաւունքներից կամ միջանի իրաւունքներից զրկւելով, նմանապէս և առանց իրաւունքներից զրկւելու, եթէ նա դատապարտւած է գողութեան, սրիկայութեան և վաշխառութեան համար, պարզապէս գողացւած ապրանք գնելուն կամ խաբեբայութեամբ ստացած գոյքի համար, գողացւած ապրանքը թաղցնելուն և պահ տւած գոյքը իւրացնելուն համար:

Նմանապէս առմիշտ դադարեցւում է կենսաթոշակը կուսակրօնութիւն ընդունողներին, ոռճկով և կենսաթոշակ ստանալու իրաւունքով պետական ծառայութեան մանողներին:

Այն դէպքում, երբ թոշակաւորը թողնում է պետական ծառայութիւնը առանց կենսաթոշակի կամ աւելի պակաս կենսաթոշակով, քան



հասնում էր նրան առաջ, դադարեցւած կենսաթոշակն կենսաթոշակը նորոգւում է կենսաթոշակը նմանապէս և նրանց, որոնք արտասահման գնալով մնացել են թոյլատրւած է ժամանակից աւելի կամ որոնք օտարերկրեայ հպատակութիւն են ընդունել:

Զինւորների կենսաթոշակների վրայ ոչ մի արգելք չի կարելի դնել նրանց պարտքերի և նրանց վրայ դրւած տուգանքների համար:

Գ ա ն զ ա տ ն ե ռ

1003  
11963

Կենսաթոշակ նշանակւելու մասին Զինւորագրական Ատեանից ծանուցում ստացողը կարող է ծանուցումը ստանալու օրից յետոյ չորս շաբաթւայ ընթացքում գանգատ տալ Նահանգական Զինւորագրական Ատեանին, եթէ կարծում է, որ կենսաթոշակը անճիշտ է նշանակւած:

Այս գանգատը պէտք է ուղարկել կամ տալ այն դատաւական կամ քաղաքային Զինւորագրական Ատեանին, որը որոշում է կայացրել կենսաթոշակի մասին, իսկ Ատեանն այնուհետև արդէն ինքն է ուղարկում գանգատը Նահանգական Զինւորագրական Ատեանին:

Գանգատը քննւելու օրի մասին Ատեանը ծանուցանում է գանգատաւորին և գանգատաւորը կարող է ներկայ լինել այնտեղ, բացատրութիւններ տալ և խնդրել, որ իրեն բժշկական վերաքննութեան ենթարկեն:

Նահանգական Զինուորագրական Ատեանի որոշումների դէմ կարելի է դանդառ ուղարկել Կառավարիչ Սենատի 1-ին Դեպարտամենտին երկու ամսւայ ընթացքում, և այդպիսի դանդառները տրւում են որոշումը կայացնող Նահանգական Ատեանին:

Գէորգեան խաչի և Գէորգեան մեդալի արժանացած զինուորներին դրամ տալը

Գէորգեան խաչի արժանացած իւրաքանչիւր զինուորի՝ քաջագործութիւնը կատարած օրից տարեկան փող է նշանակուում հետեւեալ չափով. 4-րդ աստիճանի համար 36 ո., 3-րդ աստիճանի համար 60 ո., 2-րդ աստիճանի համար 96 ուրբլի և 1-ին աստիճանի համար 120 ուրբ.:

Գէորգեան մեդալի արժանացածին քաջագործութիւնը կատարած օրից ամեն տարի փող է տրւում հետեւեալ չափերով. 4-րդ աստիճանի համար 12 ո., 3-րդ աստիճանի համար 18 ո., 2-րդ աստիճանի համար 24 ո. և 1-ին աստիճանի համար 36 ուրբ.:

Այս դրամը իսկական ծառայութեան մէջ եղած զինուորներին տրւում է իբրև լրացուցիչ ուճիկ, իսկ իսկական ծառայութիւնից արձակւելուց յետոյ՝ իբրև կենսաթոշակ Արքունի Գանձարանից, այն կենսաթոշակներից զատ, որոնք հասնում են ստացած վնասւածքների համար:

Գէորգեան խաչով կամ Գէորգեան մեդալով պարգևատրւածի այբին ամուսնու մահից յետոյ ստանում է նրա կենսաթոշակը դարձեալ մի տարի (Օրէնսդր. Ժող. 1913 թ. № 184):

## ԶԻՆՒՈՐՆԵՐԻ ԱՅՐԻՆԵՐԻ ԵՒ ՈՐԲԵՐԻ ԿԵՆՍԱԹՈՇԱԿՆԵՐԻ ՄԱՍԻՆ

Որ ղեպքերումն են զինուորների այբիները եւ ընտրովին որը մնացած զաւակները կենսաթոշակ ստանում

Զինուորների այբիները և բոլորովին որբ մնացած զաւակները կենսաթոշակ են ստանում պետական գանձարանից հետեւեալ ղեպքերում.

1) Երբ զինուորը սպանւած է պատերազմում, մահացել կամ կորել է այնտեղ անհետ, կամ ինքն է իրեն կեանքից զրկել, կամ մեռել է այն վերքերից կամ հիւանդութիւններից, որ ստացել է պատերազմի առանձին պայմանների հետեւանքով:

2) Երբ պատերազմի մէջ եղած զինուորը մեռել է պատերազմից վերադառնալուց յետոյ, բայց ոչ աւելի քան մի տարի յետոյ սկսած այն օրից, երբ նրա զօրամասը դրւած է խաղաղ ժամանակի դրութեան մէջ կամ արձակւած է այս ղեպքում այբին կամ զաւակները կենսա-

թոշակ խնդրելիս պարտաւոր չեն դոկումենտներ ներկայացնել նրա մահւան պատճառի մասին:

4) Երբ պատերազմի մէջ եղած զինւորը մեռել է մի տարի յետոյ, բայց ոչ 5 տարի ուշ այն օրից, երբ նրա զօրամասը դրւած է խաղաղ ժամանակի դրութեան մէջ կամ արձակւած է. այս դէպքում նրանցից, որոնք կենսաթոշակ են խնդրում, պահանջւում է ներկայացնել դոկումենտներ այն մասին, որ մահը առաջացել է պատերազմի պատճառած վէրքերից կամ հիւանդութիւններից:

4) Երբ զինւորը մեռել է խաղաղ ժամանակ զինւորական ծառայութեան մէջ կամ 3 տարւայ ընթացքում ծառայութիւնը թողնելուց յետոյ. այս դէպքում այրիներն ու որբերը կենսաթոշակ խնդրելիս պէտք է վկայութիւն ներկայացնեն, որ զինւորը մեռել է զինւորական ծառայութիւնը կատարելուց կախւած վէրքերից կամ հիւանդութիւններից:

5) Երբ զինւորը կենդանի ժամանակ ինքն էր կենսաթոշակ ստանում, այդ դէպքում այրիներն ու որբերը կարող են կենսաթոշակ ստանալ, բայց միայն այն դէպքում, երբ մեռնողը ամուսնացած է եղել ոչ պակաս քան մի տարի առաջ իր մահից:

Որ է տրտւմ խնդրքը կենսաթոշակ ստանալու մասին եւ ինչ դոկումենտներ են պահանջւում

որա համար

Կենսաթոշակ ստանալու համար խնդրքը կարող է տրւել գրաւոր և կարող է յայտնւել բերանացի: Խնդրքը կարելի է տալ Արքունի Գանձարանին (Казенная Палата) կամ Գաւառական Զեմստւային Վարչութեանը (Уездная Земская Управа), Զեմստւային Կառավարչին (Земский Начальник), Քաղաքային Վարչութեանը (Городская Управа), Գաւառական կամ Քաղաքային Ստիկանական Վարչութեանը (Уездное или Городское Полицейское Управление), Զինւորական Կառավարչին (Воинский Начальник), կամ Վոլոստի Վարչութեանը (Волостное Правление):

Որպէսզի կենսաթոշակ ստանալու գործը չձգձգւի, խնդրքի հետ պէտք է ներկայացնել հետեւեալ դոկումենտները.

1) Այրու ամուսնութեան մետրիկան քահանայից կամ Կոնսիստորիայից:

2) Բոլորովին որբ մնացած զաւակների համար—նրանց ծննդեան մետրիկանները:

3) Վկայութիւն այն մասին, որ խնդրողների ամուսինը կամ հայրը զինւոր է եղել պատերազմի մէջ և այնտեղ սպանւած է կամ կորել անհետ, կամ մեռել ծառայութեան ժամա-

նակ ստացած վերքերից կամ հիւանդութիւններէց, մի խօսքով այն բոլորի մասին, ինչ որ օրէնքով պահանջուած է կենսաթոշակ ստանալու համար: Բացի սրանից վկայութիւն է պահանջուած Գիւղական Վարչութիւնից, որ խնդրողները կենդանի են և չեն կորցրել կենսաթոշակ ստանալու իրաւունքը: Վկայութիւնները Գիւղական Աւագը պահանջած ժամանակ պարտաւոր է տալ ձրիաբար:

Երբ խնդրողների համար դժար է գոկումենտներ ձեռք բերել, կենսաթոշակ ստանալու խնդիրքը կարող է տրւել և առանց այդ գոկումենտների, և այդպիսի դէպքերում այն հաստատութիւնները, ուր տրւած է խնդիրքը, իրենք են պարտաւոր հաւաքել գոկումենտները:

Բերանացի տրւած խնդիրքը այն տեղում, ուր տրւած է նա, պարտաւոր են գրել և արձանագրութիւն կազմել այդ մասին:

#### Կենսաթոշակիւնների չափը

Այրիներին և որբերին զանազան չափի կենսաթոշակներ են տրւում, նայելով թէ զինւորական ինչ կոչումի տէր է եղել մեռած զինւորը և որքան տարի է եղել ծառայութեան մէջ:

Երբ մեռածը բարձր կոչում է ունեցել, օրինակ ունտեր-օֆիցեր կամ ֆելդֆելէլ է եղել և սահմանուած ժամանակամիջոցից դուրս ծա-

ռայել է ոչ պակաս քան հինգ տարի, այն ժամանակ նրա այրին կենսաթոշակ է ստանում 84 ռ. տարեկան: Իսկ ունտեր-օֆիցերի և ուրիշ բարձր կոչումների տէր և այդ կոչումների մէջ ոչ պակաս քան մի տարի ծառայող զինւորների այրիներին հասնում է 60 ռ. տարեկան: Նոյնպիսի 60 ռ. կենսաթոշակ տրւում է սահմանուած ժամանակամիջոցից դուրս ոչ պակաս քան 5 տարի ծառայած հասարակ զինւորի այրուն:

Բոլոր կոչումների զինւորների միւս բոլոր այրիները կենսաթոշակ են ստանում 48 ռ. տարեկան:

Այն դէպքերում, երբ զինւորը մինչև իր մահը ինքն էր կենսաթոշակ ստանում, բայց պակաս քան այն կենսաթոշակը, որ հասնում է այրուն, այդպիսի դէպքերում այրուն կենսաթոշակ է տրւում ամուսնու ստացած կենսաթոշակի չափով:

Եթէ այրին իրաւունք ունի կենսաթոշակ ստանալու ուրիշ որեւէ օրէնքի հիման վրայ, բացի զինւորական կենսաթոշակից, այն ժամանակ նա կարող է ստանալ ոչ թէ երկու կենսաթոշակներն էլ, այլ նրանցից միայն մէկը, որը մեծ է:

Բոլորովին որբերը կենսաթոշակ են ստանում հետեւեալ չափերով. եթէ նրանք երեքն են կամ ավելի, այդ դէպքում նրանք ստանում են բոլորը միասին նոյնքան, որքան որ պէտք է

ստանայ այրին (84 ո., 60 ո., 48 ո.), եթէ նրանք երկուսն են, այդ դէպքում նրանք միասին ստանում են երեք քառորդը այն կենսաթոշակի, որ պէտք է ստանայ այրին (63, 45 կամ 36 ո.), իսկ մէկը ստանում է կէսը այրու կենսաթոշակի (42, 30 կամ 24 ո.):

Բոլորովին որբերը կենսաթոշակը ստանում են մինչև 17 տարեկան հասակը, բայց եթէ այդ հասակն անցնելուց յետոյ ապրուստի միջոցներ չունին — ընդունակ չեն աշխատանքի, հիւանդ են և խնամքի կարօտ, այդ դէպքում կարող են կենսաթոշակ ստանալ 17 տարեկան դառնալուց յետոյ էլ:

Երբ մեռած զինուորից մնան զաւակներ նախկին ամուսնութիւններից և նրանց խորթ մայրը — այրին, այդ դէպքում նրանք միասին, զաւակներն ու այրին, կենսաթոշակ են ստանում ոչ աւելի այն կենսաթոշակից, որ ստանում էր մեռածը կենդանութեան ժամանակ:

Բոլորովին որբերը այս զինուորական կենսաթոշակից զատ կարող են ստանալ միևնոյն ժամանակ ուրիշ կենսաթոշակներ ևս, բայց եթէ նրանց նպաստ է հասնում Ալէքսէևսկի Կոմիտէտից, այդ դէպքում նրանք կարող են ստանալ երկուսից մէկը — կամ նպաստը, կամ կենսաթոշակը, նայելով թէ որն է նրանց համար աւելի շահաւէտ:

Որ ժամանակից է հասնում կենսաթոշակը

Կենսաթոշակը այրուն և որբերին հասնում է այն օրւանից, երբ նրանք զբաւոր կամ բերանացի խնդրք են տւել կենսաթոշակ ստանալու համար: Իսկ երբ մեռած զինուորն ինքն է եղել կենսաթոշակ ստանալիս, այդ դէպքում այրուն և որբերին կենսաթոշակ հասնում է նրա մահւան օրից կամ այն օրից, մինչև երբ նա ինքը կենսաթոշակ է եղել ստանալիս:

Կենսաթոշակները տալու գործը

Կենսաթոշակները տրւում են կամ իրենց թոշակաւորներին, կամ նրանցից լիազօրւած անձին: Եթէ թոշակաւորները հոգեկան հիւանդներ են, այդ դէպքում նրանց կենսաթոշակը տրւում է նրանց ազգականներին կամ կողմնակի անձերի և սրա համար նրանք պէտք է վկայութիւն ներկայացնեն, որ այդ հոգեկան հիւանդները իրենց մօտ են ապրում և իրենք են պահում նրանց:

Կենսաթոշակները տրւում են յունւորին, մայիսին և սեպտեմբերին չորս ամսւայ համար առաջուց Արքունի Գանձարանից (Казначейство) կամ թոշակաւորների խնդրանք Գիւղական Վարչութիւնից առանձին հաշւեթերթերով, որոնք տրւում են Արքունի Գանձարանից: Կենսաթոշակների վրայ ոչոք իրաւունք չունի արգելք դնելու կամ նրանցից մաս-մաս տունելու պարտ-

քերը, յետնեալ տուրքերը և կատարողական  
թերթերով հասանելիք գումարները:

Բոլոր այրիններն ու բոլորովին որբերը ի-  
րաւունք ունին կենսաթոշակ ստանալու, առանց  
հայելու՝ ունին նրանք իրենց ապրուստի միջոց-  
ները թէ ոչ:

Կենսաթոշակներ ժամանակաւոր եւ առ միշտ  
դադարեցումը

Այն այրիններն ու որբերը, որոնք գտնուում  
են պետական բարեգործական հաստատութեան,  
աղքատանոցի, ապաստարանի մէջ, կենսաթոշակ  
չեն ստանում, քանի այնտեղ են: Նմանապէս  
դադարեցւում են կենսաթոշակներն այրուն և  
որբերին ամբողջ ժամանակ, երբ նրանք գտնու-  
ում են բանտի մէջ որեւէ յանցանքի համար  
գատի յանձնելու պատճառով. նրանք կարող են  
կենսաթոշակները ստանալ բոլոր անցած ժամա-  
նակի համար, եթէ նրանց գործը դադարեցւի  
մինչև դատը կամ եթէ դատարանը արդարացնի  
նրանց:

Կենսաթոշակները բոլորովին դադարեցւում  
են հետեւեալ դէպքերում.

1) երբ այրին կամ որբերը կուսակրօնու-  
թիւն են ընդունել:

2) երբ նրանք մտել են պետական ծառա-  
յութիւն, որ նրանց կենսաթոշակ ստանալու իրա-  
ւունք է տալիս. բայց եթէ նրանք թողնեն ծա-

ռայութիւնը կենսաթոշակ ստանալու ժամանա-  
կամիջոցը լրանալուց առաջ, այդ ժամանակից  
սկսած զինուորական կենսաթոշակը պէտք է տրւի  
նրանց:

3) երբ այրին կամ որբերը դատաբանով  
զրկւած են բոլոր կամ մի քանի իրաւունքներից,  
կամ թէ իրաւունքներից չեն զրկւած, բայց  
պատժի են դատապարտւած գողութեան կամ  
խաբէրայութեան կամ վաշխառութեան համար,  
կամ պարզապէս գողացւած կամ խաբէրայու-  
թեամբ ստացած գոյքը գաղելուն ու գնելուն կամ  
զրաւ վերցնելուն, կամ թէ իրենց պահ տւած  
գոյքը իւրացնելուն համար:

4) երբ նրանք մնացել են արտասահմանում  
աւելի երկար ժամանակ, քան թոյլ է տալիս  
օրէնքը:

5) երբ նրանք ուրիշ պետութեան հպատա-  
կութիւն են ընդունել:

6) երբ այրինները կամ որբերը ամուսնա-  
ցել են:

Գ ա ն զ ա տ ն ե ռ

Գիւղական Վարչութիւնների, Զեմսուտային  
հառավարիչների, Ոստիկանութեան, Զինուորա-  
կան հառավարիչների, Զեմսուտային և Քաղա-  
քային Վարչութիւնների դէմ գանդաւանները տրը-  
ւում են Նահանգապետին: Զինուորների այրինե-  
րին և որբերին կենսաթոշակ նշանակելու գոր-

ծերի վերաբերմամբ Արքունի Գանձարանների անկանոն գործողութիւնների կամ մերժման դէմ զանգատները սրւում են Ֆինանսների Մինիստրին նոյն Արքունի Գանձարանի միջոցով:

Նպաստներ Ալէքսէասկի Գլխատը Կոմիտեայից

1914 թւին սկսւած պատերազմի ընթացքում սպանւած կամ անհետ կորած կամ աշխատանքի ընդունակութիւնը կորցրած, կամ պատերազմը վերջանալուց ոչ ուշ քան մի տարի յետոյ պատերազմի մէջ ստացած վէրքերից կամ հիւանդութիւնից մեռած զինուորների զաւակները կարող են նպաստներ ստանալ Ալէքսէասկի Գլխատը Կոմիտեայից:

Կոմիտեայի նպաստներ է տալիս մայր ունեցող մեռած կամ սպանւած զինուորի զաւակներին 24 ու տարեկան իւրաքանչիւր այդպիսի մի որբի համար, եթէ նա ապրում է գիւղում: Քաղաքներում այդ նպաստը կարող է մեծացել մինչև 30 ու տարեկան, իսկ աւելի քան 150 հազար բնակիչ ունեցող մեծ քաղաքներում — մինչև 42 ու տարեկան:

Նոյնպիսի նպաստ կարող է տրւել նաև կենդանի մնացած, բայց աշխատանքի ընդունակութիւնը կորցրած զինուորի զաւակներին, եթէ այդ զաւակներն իրենք ապրուստի ոչ մի միջոց չունին և չեն ստանում ոչ մի տեղից:

Պատերազմում մահացած զինուորի անչափո-

հաս եղբայրներն ու քոյրերը, եթէ նրանք բոլորովին որբ են և ապրուստի ոչ մի միջոց չունին, նմանապէս կարող են առանձին յարգելի դէպքերում նպաստներ ստանալ, ինչպէս և որբ զաւակները:

Իսկ պատերազմի մէջ մահացած զինուորի բոլորովին որբ մնացած զաւակները կարող են Ալէքսէասկի Կոմիտեայից նպաստներ ստանալ 40 տոկոս աւելի, քան մայր ունեցող որբերը: Նըրանց կարող են նպաստներ նշանակել գիւղերում մինչև 33 ու 60 կ. տարեկան և քաղաքներում մինչև 58 ու 80 կ. տարեկան:

Նպաստները դադարեցւում են 16 տարեկան դառնալուց յետոյ:

Բացի այս նպաստներից Ալէքսէասկի Կոմիտեայի աշակցում է զինուորների զաւակների սկզբնական կրթութիւնը ապահովելուն տաք հահագոստներով, ոտնամաններով և դասական պիտոյքներով, այդ բաները ձեռք բերելու համար տալով միանւագ 15 ուրբի:

Նպաստ ստանալու համար խնդիրքները տրւում են Ալէքսէասկի Գլխատը Կոմիտեային, նահանգապետներին կամ քաղաքապետներին: Ալէքսէասկի Գլխատը Կոմիտեայի հասցէն — Գ. Петроградъ, Владимирскій проспектъ, 19.

## ՊԱՏԵՐԱԶՄԻ ԿԱՆՁԻԱԾՆԵՐԻ ԸՆՏԱՆԻՔՆԵՐԻ ՆՊԱՍՏՆԵՐԻ ՄԱՍԻՆ

*Ով ունի իրաւունք նպաստ ստանալու*

Պետական նպաստներ տրւում են այն բոլոր զինւորների ընտանիքներին, որոնք զօրահաւաքի առթիւ սահմանւած ժամանակից աւելի պահոււմ են իսկական ծառայութեան մէջ կամ զօրահաւաքի ժամանակ կանչուում են պահեստից, օպուշենիայից, կամ ընդունոււմ են իբրեւ կամաւոր զինւորական զրուգինաների մէջ. Բայց նպաստ ստանալու հաւասար իրաւունք ունին կանչածի ընտանիքի ոչ բոլոր անդամները:

Զինւորների կանայք և երեխաները օրէնքով նպաստ ստանալու իրաւունք ունին բոլոր դէպքերում, եթէ միայն այդ նպաստից չեն հրաժարւել, առանց նայելու՝ ունին նրանք արդեօք իրենց սեփական ապրուստի միջոցները, թէ ոչ: Իսկ կանչւած զինւորի հայրը, մայրը, տատը, եղբայրներն ու քոյրերը կարող են պետական նպաստ ստանալ միայն այն ժամանակ, եթէ նա մինչև ծառայութեան կանչուելը պահելիս է եղել նրանց իր աշխատանքով: Կանչւածի խորթ հայրը, խորթ մայրը, չորդեգրած խորթ երեխաները, խորթ եղբայրներն ու քոյրերը ամօնելին իրաւունք չունին օգնութիւն ստանալու պետական

զանձարանից: Նմանապէս նպաստ չեն ստանում կանչւածի 17 տարեկան և աւելի մեծ զաւակները, եթէ նրանք ընդունակ են աշխատանքի, նոյնպէս և նրա ամուսնացած աղջիկները: Իսկ 5 տարեկանից պակաս զաւակներին նպաստ տրւում է կիսով չափ: Պետական նպաստներ տրւում են միայն օրինաւոր ընտանիքի ա դամներին:

Պատերազմի կանչւած պետական հաստատութիւնների ազատ-վարձւած ծառայողների ընտանիքները չեն կարող նպաստներ ստանալ այն դէպքում, եթէ նրանց շարունակոււմ են տալ լիովին կամ մասամբ այն բոճիկը, որ ստանում էր կանչւածը. իսկ պետական գործարանների, արհեստանոցների և ուրիշ ձեռնարկութիւնների պատերազմի կանչւած վարպետների, բանւորների և ոտորին ծառայողների ընտանիքները ստանում են ընդհանուր նպաստ, թէկուզ բացի զրանից նրանց տրւէր իրենց կերակրողի նախկին աշխատավարձի մի որոշ մասն ևս:

Մասնաւոր անձերից և հաստատութիւններից ընտանիքի ստացած օգնութիւնը ոչ մի դէպքում չի զրկում նրան պետական նպաստ ստանալու իրաւունքից և չի քշացնում այդ նպաստի քանակը:

*Նպաստի քանակը*

Նպաստները տրւում են փողով: Նահանգական և Շրջանային Ատեանը նշանակում է, թէ

իւրաքանչիւր տեղում ամսական որքան նպաստ է հասնում մարդագլուխ: Այդ նպաստը որոշուում է այնպիսի հաշուով, որ զըրանով կարելի լինի գնել ոչ պակաս քան 1 փութ 28 ֆունտ ալիւր, 10 ֆունտ կրուպա, 4 ֆունտ աղ և 1 ֆունտ ձէթ: Եթէ այդ մթերքների գները խիստ փոփոխւեն, Ատեանը կարող է նպաստը աւելացնել կամ պակասեցնել:

Ամբողջ ընտանիքի ստացած նպաստի քանակը կախած է այն բանից, թէ ընտանիքի քանի անդամներ իրաւունք ունին նպաստ ստանալու. այդպիսի անդամների թւի համեմատ էլ տրուում է նպաստը. ընդ ամին 5 տարեկանից պակաս երեխաների համար հաշուում է նպաստի կէսը:

Ով ժամանակից են սկսում և և երբ են վերջացնում նպաստ տալը

Կանչւած զինւորի ընտանիքին նպաստը հասնում է այն օրւանից, երբ նա գնացել է ծառայութեան, իսկ եթէ նա գտնուում է եղել իսկական ծառայութեան մէջ զօրակոչից առաջ, այդ դէպքում նպաստը հասնում է այն օրւանից, երբ վերջանում է նրա խաղաղ ժամանակի համար նշանակւած ծառայութեան ժամանակամիջոցը: Իսկ ընտանիքին դադարեցնում են նպաստ տալ այն օրւանից, երբ կանչւած զինւորը ծառայութիւնից վեճադառնայ տուն: Իսկ եթէ նա տուն

է վերադարձւած անընդունակութեան պատճառով կամ կորել է անհետ, և նրան կամ նրա ընտանիքին մշտական կենսաթոշակ է հասնում, այդ դէպքում նրա ընտանիքին դադարեցնում են նպաստ տալ միայն այն բանից յետոյ, երբ այդ մշտական կենսաթոշակը նշանակւած կը լինի, բայց ոչ մի պայմանով մի տարի ուշ այն օրից, երբ այն զօրամասը, որի մէջ ծառայում է եղել կանչւածը, խաղաղ ժամանակի դրութեան մէջ է դրւած կամ արձակւած:

Օգնութիւն այն երեխաներին, որոնք մնացել են անխնամ

Եթէ զօրահաւաքի ժամանակ կանչւածը այրի է, կամ թէև այրի չէ, բայց նրա կինը չի կարող, ինչպէս հարկաւոր է, նայել երեխաներին հիւանդութեան կամ շարունակ բացակայլինելու պատճառով, այդ դէպքում Գիւղական կամ Գաղաքային Հոգաբարձութիւնը պէտք է հոգայ, որ զինւորի անխնամ մնացած փոքրահասակ երեխաների, եղբայրների և քոյրերի համար խնամակալ կամ հոգաբարձու նշանակւի, կամ նրանք տրւեն իրենց ազգականներին կամ կողմնակի վատահելի մարդու կամ թէ տեղական ազատատարանը, և ապա թէ պէտք է տալ այդ անձերին այն նպաստը, որ նշանակւած է այդ երեխաների համար:

ինչ կարգով են տրուած նպաստները

Զօրահաւաք յայտարարուեց յետոյ գիւղական ժողովները, գիւղի մշտական բնակիչները ըստ ցանկութեան ինչպէս գիւղացիներէն, այնպէս և ուրիշ դասակարգերէն ընտրուած են Գիւղական Հոգաբարձութիւններ: Մի քանի քաղաքներու գործում են Քաղաքային Հոգաբարձութիւններ:

Հոգաբարձութիւնները, իսկ եթէ նրանց չեն ընտրել, Գիւղական Աւագները և Քաղաքային Վարչութիւնները պէտք է ճշտել քննեն և ստուգեն, թէ իրենց շրջանում բոլոր դասակարգերի զինուոր կանչաձևերի որքան ընտանիքներ են ապրում և իւրաքանչիւր ընտանիքի մէջ քանի հոգի իրաւունք ունի նպաստ ստանալու: Նպաստը հոգի իրաւունք ունի Գաւառական Հոգաբարձութիւնները, իսկ մի քանի քաղաքներում Հասարակական Հոգաբարձութիւնները: (Զօրահաւաքից յետոյ սկզբում այդ բանն անում էին Գաւառական Ժողովները): Նպաստը բաշխելու մասին առանձին յոյսերը: Նպաստը բաշխելու մասին առանձին յոյսերը են փակցւում: Իւրաքանչիւր ընտանիքի, որին պէտական նպաստ է նշանակւած, տրւում է առանձին հաշւետեւար, որի մէջ գրում են թէ ընտանիքի մէջ քանի հոգի կայ և ով պէտք է նպաստ ստանայ: Այդ տեւորը ստանում է զինուորի կէնք կամ ընտանիքի մեծը, եթէ նրան նպաստ է տրւում: Ամեն մի նպաստ

ստացող, 21 տարեկանից բարձր, եթէ ուզի՝ կարող է խնդրել, որ իրեն առանձին հաշւետեւար տան իր անունով: Գիւղերում նպաստներ տալիս են Գիւղական Վարչութիւնների մէջ Հոգաբարձութեան անդամներից մէկի ներկայութեամբ իւրաքանչիւր 3 ամիսը մէկ անգամ, իսկ քաղաքներում—Քաղաքային Վարչութիւնների կամ Հոգաբարձութիւնների մէջ ամեն ամիս, և բոլոր տրւած փողերը գրւում են հաշւետեւարների մէջ: Եթէ ումիցէ անկանոն են գրել և նրան հասանելիք նպաստը չեն տալիս, այդ մասին պէտք է յայտնել քաղաքներում—Քաղաքային Հոգաբարձութեան, իսկ ուր այդպիսին չկայ—Քաղաքային Վարչութեանը, իսկ գիւղերում—Գիւղական Վարչութեանը, իսկ ուր այդպիսին չեն ընտրել—Գիւղական Աւագին:

Ում պէտք է զանգատել, եթէ անկանոն կերպով մերժում են նպաստ տալ

Անկանոն կերպով նպաստը մերժող Գիւղական Հոգաբարձութեան դէմ զանգատել կարելի Զեմստային կառավարչի միջոցով Գաւառական Հոգաբարձութեանը: Եթէ մերժողը Քաղաքային Հոգաբարձութիւնն է, այդ դէպքում զանգատ կարելի է տալ ուղղակի Գաւառական Հոգաբարձութեանը կամ Համաքաղաքային Հոգաբարձութեանը, եթէ այդպիսին գոյութիւն ունի: Գաւառական և Համաքաղաքային Հոգաբարձութիւն-

ների որոշումները դէմ կարելի է գանգատ տալ մի ամուլայ ընթացքում սկսած այն օրից, երբ այդ որոշումը յայտնւած է, Նահանգական կամ Շրջանային Ատեանին: Իսկ Ատեանի վճիռը վերջնական է և այլ ևս ոչ մի տեղ չի կարելի գանգատ տալ:



Ժանսօթութիւն.—Այս գործերը վարող քոլոր իշխանաւոր անձերի մօտ և հաստատութիւններէ մէջ գտնուում են բոլոր այն տեղեկութիւններն ու օրէնքի յօդւածները, որոնց հիման վրայ կազմուած է այս գրքոյիդ:

ՀՀ Ազգային գրադարան



NL0206716

39. 260